

VENDIM
Nr.103, datë 31.5.2007

PËR KRIJIMIN E KOMISIONIT PËR INTEGRIMIN NË NATO

Në mbështetje të nenit 77 pika 1 të Kushtetutës dhe të nenit 24 të Rregullores së Kuvendit, me propozimin e Kryetarit të Grupit Parlamentar të Partisë Demokratike dhe Kryetarit të Grupit Parlamentar të Partisë Socialiste,

KUVENDI
I REPUBLIKËS SË SHQIPËRISË

VENDOSI:

- I. Ngrihet Komisioni i Posaçëm Parlamentar për Integrimin në NATO.
- II. Komisioni ka për detyrë:
 1. Nxitjen dhe promovimin e procesit të integrimit të Shqipërisë në NATO.
 2. Koordinimin e politikave të Kuvendit me Këshillin e Ministrave dhe institucionet e tjera, lidhur me integrimin në NATO.
 3. Bashkërendimin ndërparlamentar të komisioneve të përhershme të Kuvendit për synimet e këtij Komisioni.
 4. Përgatitjen, shqyrtimin dhe/ose promovimin e amendamenteve të nevojshme të kuadrit ligjor për arritjen e standardeve për integrimin në NATO.
 5. Forcimin e bashkëpunimit midis Kuvendit të Shqipërisë dhe Asamblesë Parlamentare të NATO-s, për të ndikuar në nxitjen e procesit të integrimit të Shqipërisë në NATO.
 6. Forcimin e bashkëpunimit me parlamentet e rajonit, shkëmbimin e përvojave në procesin e integrimit në NATO.
 7. Transparencën ndaj opinionit publik, si dhe bashkëpunimin me shoqërinë civile në zbatimin e procesit të integrimit në NATO.
 8. Organizimin e rregullt të debateve parlamentare, me qëllim mbajtjen e këtij problemi vazhdimisht në agjendat politike kombëtare.
- III. Komisioni përbëhet nga 10 anëtarë (5 nga shumica dhe 5 nga opozita parlamentare).
- IV. Komisioni i Posaçëm Parlamentar drejtohet nga dy bashkëkryetarë, një nga Partia Demokratike dhe një nga Partia Socialiste.
- V. Afati i veprimtarisë së Komisionit përcaktohet në përputhje me zhvillimet dhe nevojat e proceseve të lartpërmendura.
- VI. Vendimet në Komision merren me shumicën e votave.
- VII. Komisioni përbëhet nga këta anëtarë:
 1. Ferdinand Xhaferri - Bashkëkryetar
 2. Pandeli Majko - Bashkëkryetar
 3. Marko Bello - anëtar
 4. Arjan Starova - anëtar
 5. Sabit Brokaj - anëtar
 6. Arenca Trashani - anëtare
 7. Gëzim Musabelliu - anëtar
 8. Aldo Bumçi - anëtar
 9. Arben Malaj - anëtar
 10. Genc Sharku - anëtar
- VIII. Ky vendim hyn në fuqi menjëherë.

KRYETARE
Jozefina Topalli (Çoba)